

خبرنگار محاکمه

جمعه ایرتسی

نومرو	جمادی الاول	سنه	اغتوس	سنه	صفحه
۱۰۴۶	۴	۱۳۱۷	۲۸	۱۳۱۵	۱۵۰۵۳

(اشبو غزته بهر هفته جمعه ایرتسی کونلری جبقار . نه لکی در سعادت ایچونه مجیدیه یلکرمی غروسه)
 (مساید التمه غروشدر . طشه لر ایچونه اوده بسه غروسه یوسه اجرئی ختم اولنور . بهر)
 (نسخسی نه مجیدیه یلکرمی غروسه اولوق اوزره یوزیارهیه هربرده صانیلور . درج اولنه جوق اعلا ناک)
 (هربرنده بر مجیدیه افند اولنور . نه لکه مشتری اولوق استیاندل عدلیه نظارتی دأره سنده لائیه جبریده)
 (محاکم اداره نه مراجعت ایلملیر .)

قسم غیر رسمی

مأموریت علیه سنک مطالعه نامه سی الندقدن صکره
 اعلام مذکور یالکمز مستد عینک اعتراض
 لایحه سیله بالمطالعه تدقیقات تمیزیه اجراسنه ابتدار
 اولندی

اعلام مذکورک خلاصه مآلی دیاربکر
 پوسته وتلغراف مدیری آگاه افندی ایله
 مرقومان رشید و عبدو و سلیمان میانه لرنده متکون
 وتلغرافه متعلق ادواتک اتلافندن منبعث تضمینات
 ضرر و زیان دعواسنه دأر جرزه بدایت محکمه سندن

دیاربکر تلغراف و پوسته باش مدیری آگاه
 افندی ایله جرزه نك قلعه محله سی ساکنلرندن
 وکلکچی اصنافندن رشید و عبدو و سلیمان بینلرنده
 متحدت دعوایه دأر دیاربکر استیناف محکمه سندن
 ۱۱ نیسان سنه ۳۱۴ تاریخچی و بر عددی ایله
 صادر اولان اعلام مومی الیه آگاه افندی
 طرفندن تمیز اولغغله باش مدعی عمومیلک

تجارت صفتیله صادر اولان اعلامك عندالاستیناف
فسخیله بتكرار جریان ایدن محاكمه و تدقیقات
نتیجه سنده تلغراف و پوسته نظارتندن كوندرلش
اولان بشیوز كسور قنطار تلغرافه متعلق تیمور
دیرك ایله اكا متفرع ادواتك دیاربكردن موصله
سوقی ایچون تحمیل ایده جكیری كلنكر ك ایکی
یوز اوتوز دن ايكیوز الی طلومه قدر باغلامسی
واوزرلرنده ايكیشر طراح بولندیرلمسی مستأنف
علیهم كلنجیلر ایله عقد اولنان شروط مقاوله
اقتضاسندن اولدینی حالد مرقومون محضا
تقلیل مصارف ایچون شروط و مقاوله مذکوریه
عدم رعایتله هر بر كلکی عبره کبی یوز اوتوز
طلومدن باغلاملرندن برر طراحه تودیع
ایتملرندن و حین تحمیلنده موازنه بی و كلنكر
تحمیلنه رعایت ایتیموب قصور و تسبیلرندن مذکور
اشیا و ادواتدن قرق اوچ عدد تیمور دیرك ایله
اون درت باغ ساچ و اوچ صندوق ویده و آچی
و چیوی بی صوبه دوشوروب اتلاف ایلدكلرندن
طولانی بدلی اولان یوز الی لیرانك تضمینی
مستأنف اولان مدیر مومی الیه ادعا ایتمش ايسه ده
وکیل مسخر ك انكاری اوزرینه مدیر مومی الیه
ادعاسی مثبت اوراق ابراز ایده مامسنه و اولباندکی
تلغراف قویله لری شروط مذکوریه محتسوی

اولسان قرار موافق قانون کورلدیکی بیانندن
عبارت بولمیشدر

ایجابی مذاکره اولندقدن اعلام مذکور
مندرجاتندن منقهم اولدینی اوزره تلغراف
مدیرینك بدایه دخی بیان ایلدیکی وجهله
منازع فیه ادواتك نقلی ضمیمه كلنجیلر طرفندن
قاج طلوم ربط ایدلمش اولدینی و اداره سی ایچون
اوزرلرنده قاج آدم بولندیرلینی حقدن اصولی
دأره سنده مدعی علیهمدن جواب الیدندن
صکره ارباب و قوقندن بالسؤال بومقوله اشیا لرك
نقلی ایجاب ایتدیکی صورته قاج طلوم ایله كلك
یابلق و اداره سی ایچون قاج آدم بولندیرلمق
ایجاب ایده جكنك بالتحقیق تبین ایده جك حاله
کوره حکم و برلك و ایجاب ایدر ايسه بوباده
برکونا تعدی و تقصیر لری و قوعوبه لیدغنه دأر
كلنجیلر ك امر تحلیفی اجرا قلمق لازم كلوركن
حکمه جه بورالرینه تعرض اولنمق سزین حکم
اولنمسی یولسز و مغایر قانون اولدیغنه بناء اصول
عساكمه حقوقیه قانونك ايكیوز قرق برنجی
ماده سی موجبجه اعلام مذکورك نقصنه و قانون
مزبورك ايكیوز قرق دردنچی ماده سی حکمه
توقیفاً کیفیتك بالرؤیه اعلامه ربطی ضمیمه
حکمه مذکوریه اعاده سنه وزیرده مفرداتی مرقم

اردو قصبه سنك طاز یاس محله سنده مقیم
هاجی غورغور اوغلی سیمون ایله قضاء مذکور
تابع بوز تپه قریه سنده مقیم حاجی یوسف اغا
پننده متكون دعوايه دأر طربزون بدایت
محكمه سندن ۲۷ شباط سنه ۳۱۲ تاریخ و طقسان
التي عددی ایله استینافاً و یریلان اعلام مرقوم
سیمون طرفندن تمیز ایدلکله اعلام مذکور
طرفینك اعتراض و جواب لایحه لریله بالمطالع
تدقیقات تمیزیه اجراسنه ابتدار قلندی

اعلام مذکورك خلاصه مائی مرقوم
سیمونك بوز تپه و بولیج قریه لرنده واقع باطابو
متصرف اولدینی معلوم الحدود اوتوز دونم
مقداری ترلاسی مرقوم حاجی یوسف اغا طقوز
سنه دئیری فضولی ضبط و زراعت ایتمکده اولدینی

تحقق ایلدیکندن اغای مرقومک کف یدیله
مرقوم سیمونه تسلیمه دأر اردو بدایت محکمه سندن
صادر اولان اعلام غیابییه مرقوم حاجی یوسف
اغا طرفندن اعتراض ایدیلهرک مذکور ترلا
اشای هجرتلرند اسکان مأموری طرفندن
کندوسنه اعطا اولهرق اوزماندنبری بلا نزاع
تصرف ایتکده اولدیغنی و دعوا ده مرور زمان
بولدیغنی سرد و اتیان قلمش ایسه ده منازع فیه
اراضی بی مرقوم حاجی یوسف اغانک ضبط
وزراعت ایلدیکی تاریخه قدر مدعینک تصرف
ایلدیکی و مذکور ترلانک بوز خالی اولدیغنی
معترض علیه طرفندن اقامه اولسان شهودک
شهادتیه ثابت اولسنه و مرقوم حاجی یوسف
اغانک مداخله سی اوزرینه مدعی مرقوم جانبندن
اره صره مراجعت وقوعیه دعوا ده مرور زمان
اولدیغنی ابراز اولنان و اوراق مندرجاتیه تحق ایلسنه
بناءً معترض مرقومک اعتراض علی الحکم دعواسنک
ردیله منازع فیه اوتوز دونم محکک کما کان
سیمونک تحت تصرفده قالمق اوزره حکم غیابینک
تصدیقنه دأر محکمه مذکورده دن ویریلان اعلام
علیه مرقوم سیمون طرفندن استیناف دعوی
وقوعیه حکم ابتدائینک فسخندن صکره جریان
ایدن محاکمه و تدقیقات استینافیه نتیجه سنده دخی

اولسنه نظراً مجله مذکورنک بیک یدیوز
اللی بشیجی ماده سنده صراحة کوسترلدیکی
وجهله مدعی مرقومک اثباتدن اظهار عجزی
تقدیرنده مدعی علیهدن ینه طلب ایدلمی اقتضا
ایدر ایکن محکمه جه بویولده معامله ایدلمکسزین
دعوی واقعه مابه التطبيق اولیان مجله نک ماده
محوته سنه بناءً رد ادعایه قرار ویرلمی مغایر
اولدیغندن اصول محاکمه حقوقیه قانوننک
ایکیوز قرق برنجی ماده سی موجبجه اعلام
مذکورنک نقضنه و قانون مزبورنک ایکیوز قرق
در دنجی ماده سی حکمنه توفیقاً کیفیتک صورت
محرره دأره سنده بالرؤیه اعلامه ربطی ضمنتده
محکمه مذکوریه اعاده سنه وزیرده مفرداتی مرقم
اوچوز طقسان سکر بمق غروش مصارف
تمیزیه نک ایلروده حقسز چیه جق طرفه عائد
اولق اوزره اول امرده مستدعیدن اخذینه
۲۰ شباط سنه ۳۱۴ تاریخنده متفقاً قرار
ویرلدی .

اعلام مذکورنک خلاصه مالی مرقوم
حاجی احمد اغانک کورکن اوغلی مصطفی افندی
وبرادر زاده لری علی و خلیل و حسین علیهنه اقامه
ایلدیکی اراضی دعواسنه دأر ارکلی بدایت
محکمه سندن اولاً غیاباً و اعتراض علی الحکم
استدعاسی اوزرینه و جاهاً صادر اولان اعلاملری
مقدما اسباب قانونیه دن طولابی تمیزاً نقض
واعاده اولنمی و مدعی علیهمدن مزبور مصطفی
افندینک وفاتی وقوعبولمی حسیله دیگر
مدعی علیهر حقنده بتکرار جریان ایدن محاکمه
و تدقیقات نتیجه سنده محاکمه سابقه ده ذی الیدلکک
اثبات ایتدیرلدیکی ماده سیله اراضی مأمورینک
حضور کی کیفیتی منقوض اعلامک متننده مندرج
اولدیغنی کبی متن اعلامده مندرج اولیان اعلام

ارکلی قضاسنک عمرلی قریه سی اهالیسندن
کورکن اوغلی علی برادری خلیل و برادرزاده سی

غیابینک دخی بوکره درجیله اکیل نواقص
ایدلکدن و طرفیندن درمیان اولتان ملک مورخ
دعواسنده مدعینک تاریخی مقدم اوله رق
بوجهت موصفاً اعلام مذکورده کوسترلکدن
صکره مدعی طرفیندن استماع شهود اولدینی
وایش حکم درجه سنه کلدیکی صروده مدعی علیهمک
حضوردن امتناع ایلدکلی جهته حکم غیابی
اعطاسچون وکیل مسخر تعیینه محل کورلدیکی
و محکمه تمیزجه نواقصدن عد اولسان احوالک
تماماً اجرا قلندیقنک اعلام سابق متننده محرر
ایدوکی اکلاشلش اولدیقندن کالاول اراضی
مذکورده دن مدعی علیهم مرقومونک کف یدلریله
مدعی حاجی احمد تسلیمنه حکمدن و مستدعی
تمیزلرک اشبو اعلام علیهنده لایحه لرنده محرر
باشلوجه اعتراضلری اصیل و وکیللری بولنان
مصطفی افندینک وقوع و فاته بناء وره سنه
دعوتیه تبلیغی لازم کلورکن بوجهت نظر دفته
الخامسی و دیگر وکیل تعیین ایتک اوزره مهل
مناسب طلب ایدلشیکن اشبو طلبک اسعاف
اولخامسی یولسز و مغایر قانون اولدیقندن بحثله
اعلام مذکورک تقضی استدعاسندن و مدعی علیهمک
نتیجه جوابی دخی اعتراضات مذکورده نک
غیر وارد اولدینی بیانیله ردی و موافق قانون

اولان اعلامک تصدیق طلبندن عبارت بولنشد
ایجابی مذاکره اولندقدده اعلام مذکور
مندرجاتندن منضم اولدینی اوزره مقدم داخل
دعوی اولان مدعی علیهمدن مصطفی افندینک
بوکره وفات ایتش اولسنه کوره محکمه جه
متوفای مومی الیهک وره سنک دعوت و محاکمه
ادخال ایدلسی لازم کلورکن بوجهتک نظر دفته
الخامسی یولسز و مغایر قانون اولدیقندن اصول
محاکمه حقوقیه قانوننک ایکوز اوتوز ایکنجی
ماده سی موجبجه اعلام مذکورک تقضیه قانون
مزبورک ایکوز قرق دردیجی ماده سی حکمه
توفیقاً کیفیتک بالرؤیه اعلامه ربطی ضمننده محکمه
مذکورده به اعاده سنه وزیرده مفرداتی مرقم
ایکوز طقسان سکز بحق غروش مصارف
تمیزیه نک ایلروده حقسز چیه جیق طرفه عائد
اولق اوزره اول امرده مستدعی تمیزلردن
السنه ۳۰ تموز سنه ۳۱۴ تاریخنده متفقاً قرار
ویرلدی .

طر بزون ولایتیه تابع یومره ناحیه سنک
صمارقه صغیر قریه سنده مقیم ترزی اوغلی دیمتری

وقلایحی اوغلی استادیوس ایله ناحیه مذکورک
شانه قریه سنده مقیم پراشکوه اوغلی یانقو بیننده
متکون دعوایه دائر طرزون بدایت محکمه سندن
۳ تشرین ثانی سنه ۳۱۳ تاریخی والتمش عددی
ایله ویریلان اعلام مرقومان دیمتری و استادیوس
طرفلرندن تمیز ایدلمکله اعلام مذکور یالکیز
مستدعیلرک اعتراض لایحه لرله بالمطالعه تدقیقات
تمیزیه اجراسنه ابتدار قلندی

اعلام مذکورک خلاصه مآلی مرقوم
یانقونک بر قطعه سند موجبجه مرقومان دیمتری
و استادیوس ذمتلرنده یکدیگرینه کفیل بالمال
اوله رق قرق درت لیرا الهجفی اولوب سند
مذکورک خطاط حسین افندی نام کسنه طرفندن
کتم اولسندن ناشی مبلغ مذکوری تأدیه ایتماکده
اولدقزلردن بحثله مبلغ مذکورک مرقوماندن
مع فائض تحصیلنی طلب و دعوی ایتسنه قارشو
مدعی علیه مرقومان دخی دین مذکوری اقرار
ایله برابر مذکور سند امره محرر بولنسنه مبنی
مدعی مرقوم جانبندن خطاط حسین افندی به
جیرو ایدیلرک مبلغ مذکوری مومی الیه تماماً
تسویه ایتدکلینی و مذکور سندک سوء استعمال
ایدلسندن طولانی مومی الیه حسین افندی علیهنده

مقدمه اقامه ایدیلان حقوق عمومیه دعواسی
محکمه جزاییه جه در دست رؤیت اولمغله
اولبایدکی اوراقلک جلب و مطالعه سی حالنده
دفع دعوالرینک صحتی تبیین ایده جکلی مدافعه
بیان ایتلری اوزرینه جریان ایدن محاکمه
وتدقیقات نتیجه سنده مدعی علیهملر سرد ایلدکلی
دفع دعوالرینی اثباتدن اظهار عجز ایلدکلی کبی
طالب تحلیف اولدقزلردن مدعابه اولان قرق
درت لیرانک مدعی علیهمادن تحصیلنه حکمدن
و مستدعیلرک اشبو حکم علیهنده لایحه لرنده محرر
باشلوجه اعتراضلری اثنای محاکمه ده شخص ثالث
بولنان خطاط حسین افندینک دخی جلبی اقتضا
ایدر ایکن محکمه جه بوراسنک نظر دفته الخامسی
مغایر قانون اولدیقندن بحثله اعلامک تقضی
استدعاسندن عبارتدر

ایجابی مذاکره اولندقدده اعلام مذکور
مآلندن اکلاشلدینی اوزره مستند ادعا اولان
سندک امره محرر اولدینی مدعی علیه طرفندن
عند المحاکمه بیان ایدلسنه نظراً مذکور سند
فی الحقیقه امره محرر میدر و جیرو اولنشمیدر
و جیرو اولنشم ایسه کیمه جیرو ایدلشدیر جیرو
ایدیلان آدمک دخی جلیله اجرای تدقیقات
ایدلمک لازم کلورکن بوجهتندن ذهول ایدلسی

ودعواى واقعه حقه محكمه جزا شده بولنان
اوراك دخى جلب وتدقيق مقتضى ايكن بوجهت
دخى نظر دفته التامسى مغاير قانون اولديغندن
اصول محاكمه حقوقه قانونك ايكوز اوتوز
ايكنجى وايكوز قرق برنجى ماده لرى موجبجه
اعلام مذكورك نفضنه وقانون مزبورك ايكوز
قرق دردنجى ماده سى حكمنه توفيقاً كيفيتك
صورت محرره دائره سنده اعلامه ربطى ضمنده
محكمه مذكوره اعاده سنه وزيرده مفرداتى مرقم
اوچوز طقسان اوچ بچق غروش مصارف
تميزه نك ايلروده حقسنر چيقه جق طرفه عائد
اولق اوزره اول امرده مستدعيلردن اخذينه
۱۸ مائس سنه ۳۱۲ تاريخنده متفقاً قرار
ويرلدى .

كليس قضاسنه تابع جوم ناحيه سنك قشله
قریه سى اهالیسنندن كنچ عمر اغا زاده شیخ محمد
وبرادری سلیمان افندیلر ایله کلیسك عنابلی کتاه
مجلسی اهالیسنندن مصطفی چاوش وبرادرلری
محمدعلی وحسین واحمد اغالر وهمشیره لری حافشه
وامینه خاتونلر ینلرنده متکون دعوايه دائر

حلب بدایت محكمه سنندن ۲۵ ایلول سنه ۳۱۲
تاریخی وقرق ایکی عددی ایله استینافاً ویریلان
اعلام مومی الیهما شیخ محمد و سلیمان افندیلر
جانبندن تمیز ایدملکه اعلام مذکور طرفینك
اعتراض وجواب لایحه لریله بالمطالعه تدقیقات
تمیزیه اجراسنه ابتدار قلندی

اعلام مذکورك خلاصه مالى مزبور مصطفی
چاوشك برادر وهمشیره لریله متصرف اولدقلى
مروانه قریه سنده كائن معلوم الحدود درت قطعه
ترلايه مومی الیهما محمد و سلیمان افندیلر طرفلرندن
وقوعبولان مداخله نك منعيله مذکور ترلارك
مدعيلره تسلیمه دائر کلیس بدایت محكمه سنندن
غیاباً صادر اولان اعلامك مومی الیهما محمد
و سلیمان افندیلر جانبندن استیناف ایدملکه حلب
بدایت محكمه سنجه استینافاً جریان ایدن محاكمه
اسباب قانونیه مبنی حکم ابتدائی فسخ اولندقدن
صکره جریان ایدن تدقیقات نتیجه سنده منازع فيه
ترلارك مزبور مصطفی چاوش ایله برادر
وهمشیره لرینه پدرلرندن انتقال ایتدیكى ومومی الیهما
محمد و سلیمان افندیلر جانبندن فضولی ضبط
وتصرف اولنمقده اولدینی اصولاً ثابت اولدینه
بناءً مذکور ترلارك مزبور مصطفی چاوش ایله

برادر وهمشیره لرینه تسلیمه حکمدن ومستدعی
تمیز محمد و سلیمان افندیلرک اشبهو حکم علمنده
لایحه لرنده محرر اعتراضلرینك خلاصه سى بدایه
ویریلان اعلام غیابینك استینافاً فسخی حالنده
کیفیتك بدایت محكمه سنه اعاده سى لازم کلور ایکن
استینافاً رؤیتنه قرار ویرلمسى ومبرز طاپولر حق
قراردن اعطا اولنمسنه ومدعيلر ايسه منازع فيه
ترلاره انتقالاً ادعاى تصرف ایتمکه اولملرینه
کوره دعوايه تناقض موجود ایکن بونك دخى
نظر اعتباره التامسى و منازع فيه ترلارك قیقى
بشیک غروشدن زیاده بولنمسنه کوره شهود شخصیه
استماعی غیر جائز ایکن استماع اولنمغله برابر
ذی الید شاهد لریله اساس دعوايه دخى حکم
اولنمسى وکندولری منازع فيه ترلاره انتقالاً
بلا نزاع اوتوز سنه دنیرو تصرف ایتمکه
اولدقلى حالده بوبابده کی ادعالری نظر دفته
النیهرق ودعوايه ملک مطلق رنکی ویریلرک
خارج اولان خصملرینك استماع ینلرینه قرار
ویرلمسى وبرز ایتدکلری طاپو سندانك اعلامه
درج وتمیق ایدلامسى مغاير قانون اولديغندن
بمثله اعلامك نفضى استدعاسندن ومدعی علیهمك
لایحه لرنده مندرج نتیجه جوابلری دخى حکم
واقع موافق اصول وقانون ایدوکی بیسانیه

اعتراضات مسروده نك ردی واعلامك تصدیقی
طلبنندن عبارت بولنمشدر
ایجابی مذاکره اولندقدن اعلام مذکورك
نتیجه مفادی مزبور مصطفی چاوش ایله برادر
وهمشیره لرینه پدرلرندن انتقال ایتدیكى اصولاً
ثابت اولان منازع فيه ترلاره مومی الیهما محمد
و سلیمان افندیلر جانبندن وقوعبولان مداخله نك
منعيله مذکور ترلارك مصطفی چاوش ایله برادر
وهمشیره لرینه تسلیمه حکمدن عبارت اولنمسنه کوره
حکم واقع اسباب موجبیه مستند و اصول
وقانونه موافق اولوب مستدعيلرک بالاده محرر
اعتراضلری نفض حکمی موجب اولديغندن
رديله اصول محاكمه حقوقه قانونك ايكوز
قرق ايكنجى ماده سنك فقره اخیره سى موجبجه
اعلام مذکورك تصدیقه وزیرده مفرداتى مرقم
یوز سکیان التی بچق غروش مصارف تمیزیه نك
مستدعی تمیزلره عائد اولق اوزره اول امرده
مدعی علیهم مصطفی چاوش ورفقاسندن اخذینه
۷ تشرین اول سنه ۳۱۳ تاریخنده متفقاً قرار
ويرلدى .

سلاميك ولايتى داخلنده نوره قوب قضاى سنك
صا توخه قريه سى اهالى سندن اولوب درامه سجاغنه
تابع قواله قصبه سنك خليل بك محله سنده مقيم
آدم اغا ايله مذکور صا توخه قريه سنك قوم غير
محصور اهالى سى يئلر نده محدث دعوايه دائر روپچوز
بدایت محکمه سندن ۲۳ مارت سنه ۳۱۴ تاريخي وايكى
عدديه ويريلان اعلام مرقوم آدم اغا جانبندن
تميز ايدملکله باش مدعى عمومى لك مأموريت
عليه سنك مطالعه نامه سى التقدن صكره اعلام
مذکور يالكز مستدى تميزك اعتراض لايحه سيله
بالمطالعه تدقيقات تميزيه اجراسنه ابدار اولندى

اعلام مذکورك خلاصه مالى مرقوم
آدم اغانك روپچوز قضاى داخلنده واقع تفرغ
ايدلىكى ابرون نام مرعى ويا بلاغه مذکور صا توخه
قريه سى اهالى سى طرفلر ندن تجاوزله قطع اشجار
ايتلر ندن طولاي اهالى مرقومه نك منع تجاوز لريله
قطع ايدلكرى التمش بيك غرو شلق افاج
اثمانك تضمينه دائر محكمه مذکور دن مرقوم
آدم اغانك استحصال ايدلىكى اعلام غيايى عليه نده
قريه مذکور اهالى سى طرفندن اعتراض
على الحكم ايدلىسى اوزرينه بر درجيه قدر وجاهاً
محاکمه جريان ايتدىكى حالده اكمال محاکمه ايجون

اخيراً وقوعبولان دعوتيه مرقوم آدم اغانك
اجابت ايتامش اولديغندن محكمه جه حكم غيايى
فسخ اولندقدن صكره وكيل مسخر حضوريله
عن الغياب جريان ايدن محاکمه و تدقيقات
نتيجه سنده محل منازع فيك اعزام اولنان نائب
واهل وقوف معرفتيله يكدن اجرا قلنان كشف
و تحقيقاته و تواتراً وقوعبولان شهادت و اخباراته
نظراً محل مذکور قريه مذکوريه مخصوص
اولان مرعى وبالطه لغك حدودى داخلنده
اولدينى تحقق ايتمسه مبنى مجله نك بيك يديوز
اوتوز اوچى بيك سكر يوز اوتوز درديجى
ماده لرى احكامنه توفيقاً مرقوم آدم اغانك منع
مداخله سنه حكمدن و مستدى تميز مرقوم آدم
اغانك اشبو حكم عليه نده لايحه سنده محرر
اعتراضاتك خلاصه سى اعتراض على الحكم
استدعاسى اوزرينه تنظيم اولنان اعلامه اعلام
غيايى نك عينا ويا خلاصه درج و تحقيق اولغى
لازم كلور ايكن مذکور اعلام غيايى نك نه عينا
ونه خلاصه اعلام تميزيه درج و تحقيق اولغامسى
وحضور حاكم غيريده شهود استماعى جائز
دكل ايكن اعزام اولنان كشف نائبك بلا
مأذونيت استماع ايلش اولدينى شهودك شهادت لرينه
بنساي حكم ايدلىسى يولسر و مخالف قانون

اولديغندن بمحله اعلام مذکورك تقضى استدعاسندن
وانف البيان مطالعه نامه مندرجاتى دخى اثنای
محاکمه حاضره بولنديريلان مدعى عمومى
وكيلك صفت قانونيه سى كوستر لمامش اولمى
مغاير قانون اولدينى بيانندن عبارتدر

ايجابى مذاكره اولندقدن اعلام مذکور
مطالعه سندن مستبان اولدينى اوزره دعواى
واقعه حقننده اولجه اعطا قلنش اولان اعلام
غيايى نك عينا ويا خود صورت واضحده مالا
اعلام تميزيه درجى لازم كلور كن بوجه سندن
ذهول ايدلىكى كى كشف ايجون تعيين قلنان
مأمور شهود استماعنه مأذون ايدلماش ايكن مأمور
مومى اليه طرفندن استماع قلنان شهودك
شهادت لرينه بنساي حكم ايدلىسى و مدعى عمومى
وكيلى اولقى اوزره اثنای محاکمه حاضره
بولنديريلان ذاتك صفتك اعلامه درج ايدلماشى
مخالف قانون اولديغندن اصول محاکمه حقوقيه
قانونك ايكوز اوتوز ايكنجى ماده سى موجبجه
اعلام مذکورك نقضيله قانون مذکورك ايكوز
قرق درديجى ماده سى حكمنه توفيقاً كيفيتك صور
محرره دائره سنده بالرؤيه اعلامه ربطى ضمننده
محكمه مذکوريه اعاده سنه وزيرده مفرداتى مرقم
بشيوز التمش التى بحق غروش مصارف تميزيه نك

اعلان

غلطه ده ترامواى يولنده قيوچى خاننده
اوطه ده مقيم تجاردن اسه نو برادر لرك متوفى
اندون اغاسيان ورثه سندن اقامتگاهى مجهول
بولندينى با عرض حال افاده اولنان مخدومى ديران
و كرمه سى مادام قره كوزيان ناميله معروف مارى
عليه لرينه در سعادت ايكنجى تجارت محكمه سنده
اقامه ايدلىكى اون التيشك سكر يوز قرق غروش
مطلوبات دعواسى بيك اوچيوز اون بش سنه سى
اغستوسنك اوتوزنجى بازار ايرتسى كونى ساعت
التيده فصل ورؤيت اولنه جغندن يوم ووقت
مزبورده مدعى عليه بولنان ديران ايله مادام قره كوزيان
ناميله معروف مارينك محكمه مذکور ده بالذات
ويا بالوكاله حاضره بولملرى لازم كله جكي وشايد
كلز و وكيل كونا درمزايسه حق لرنده معامله

غیا به اجرا اولنه جفی معلوم اولمق اوزره تنظیم
اولنان دعوتیه ورقه سی محکمه نك دیوانخانه سنه
تعلیق اولدینی کبی اوراق حوادث واسطه سیله
دخی اعلان قلندی .

۲۲ ربیع الآخر سنه ۳۱۷

۱۷ اغستوس سنه ۳۱۵

وان ولایتی والی اسبقی سعادتلو ناظم پاشا
حضرتلرینک باحجت شرعیه وکیل کویری
باشنده والده سلطان خاننده اون درت نومرولی
اوطه ده ساکن دعوی وکیللرندن ماناس
اقومونارخی امضاسیله در سعادت بدایت محکمه سی
ایکنجی حقوق دائره سنه اعطا قلنان ۱۲ تموز
سنه ۳۱۵ تاریخی و بشیوز طقسان طقوز
نومرولی عر ضحاله جغال اوغلنده جزری قاسم
پاشا محله سننده جریده خانه زقاغنده بر نومرولی
کارکیر قوناغنده مقیم حدیده متصرفی متوفی
حسن تحسین پاشا مخدومی مدوح بک بدری متوفای
مشار الیهدن انتقالاً متصرف اولدینی مذکور
قوناق ایله قارشوسنده واقع مع اخور برقطعه
باغچه نك نصفی وکیل شرعیسی معیت شاهانه

تفکیجلرندن حسین بک معرفتیه مؤکلی ناظم
پاشا حضرتلرینه درتیوز الی عدد عثمانلی لیراسی
بدل مقابلنده قطعاً فراغ ایتمک اوزره بی
اوله رق ایکی قطعه سند موجبجه وکیل مومی الیه
حسین بک مؤکلی مدوح بک اضافتله مؤکلی
مشار الیهدن یوز عدد عثمانلی لیراسی اخذوقبض
ایلمش اولدینی حالده مومی الیه مدوح بک اخیراً
مذکور باغچه بی اخره فراغ ایلدیکی کبی مذکور
قوناق دخی فراغ ایتک تشبثده بولمسنندن
طولای مذکور یوز عدد عثمانلی لیراسنک تأمین
استیفاسی ضمنتده ۵ تموز سنه ۳۱۵ تاریخیله
و محکمه قراریه مذکور قوناغک نصفی تحت
حجزه التمش اولدیغندن و کرچه عقد مؤکلی
مشار الیه ناظم پاشا حضرتلریله وکیل مومی الیه
حسین بک میاننده واقع اولمش ایسده وکیل
عقد بیعی مؤکله اضافتله اجرا ایتمسنندن طولای
محله نك بیک درتیوز التمش برنجی ماده سی
حکمنجه مؤکله قارشو خصم الحق مومی الیه
مدوح بک اولدیغندن مومی الیه جلیله بالمحاکمه
مذکور یوز لیرانک مع فائض و مصارف محاکمه
وحجزیه واجرت وکالت تحصیل و حجز موضوعک
تصدیق استدعا اولتمسنندن ناشی برای محاکمه
یازیلان دعوتیه ورقه سی زیرینه قبالی فرون

قربنده جزری قاسم پاشا محله سی امامی حافظ
محمد مهریله مختوم شرحد مومی الیه مدوح بک
محله لرنده اولدینی کبی نه طرفده اولدینی مجهول
ایدوکی کوسترلمش و اخیراً مدعی وکیل ماناس
اقومونارخی افندی طرفندن ویریلان ۵ اغستوس
سنه ۳۱۵ تاریخی استدعاده مومی الیه مدوح
بک اقامتگاه مجهول اولمسنندن طولای امر
تبلیغک اعلاناً اجراسی طلب اولتمش اولمسنه
و طلب واقع اصول محاکمه حقوقیه قانوننک
یکرمی التجی ماده سنه موافق اوله رق ذکر
اولنان دعوتیه ورقه سنک محکمه دیوان خانه سنه
تعلیق و اوراق حوادثه درج و تمیق اولتمق
صورتیه تبلیغ معامله سنک ایفاسی وسنه حاضره
ایلولنک اون اوچنجی بازار ایتسی کونی طرفینک
محاکمه لرینک اجراسی مقرر بولمسنه بناءً یوم
مذکورده ساعت التی راده لرنده مومی الیه مدوح
بک بالذات محکمه یه کلدیکی و یاخود اصولی
دائره سننده بر وکیل کوندردیکی حالده مدعی
وکیلنک طلبیه بر وکیل مسخر تعیین اوله رق
غیا باً رؤیت دعوی اولنه جفی اعلان اولنور .

۲۱ اغستوس سنه ۳۱۵

۳۱ تموز سنه ۳۱۵

اسپرو صورتیادینک با اعلام محکوم به دیمتری
ترجمان ذمتنده اله جفی اولان معلوم المقدار

مبالغت تأمین استیفاسی ضمنده مدیون مرقومك
بك اوغلنده طم طم محله سنده بك اوغلی جاده سنده
كان ۲۹۳ و ۲۹۵ نومرولی فوقانی اوچ باب
اوطیهی مشتمل بر باب قصاب دكانك نصفندن
انتقالاً متصرف اولدیغی برسدس حصه شایعه سی
اون درتیک غروش التون و فری قریه سنده
شیشلینك كاغدخانه جاده سیله خانم اوغلی زقاغنده
واقع ۹۹ و ۱۰۱ و ۱۰۳ و ۱۰۵ نومرولر ایله
مرقم ماندره و عرصه نك نصفندن كذلك انتقالاً
متصرف اولدیغی برسدس حصه شایعه سی
لدی المزیاده ایکییک یوز غروش بدل ایله
طالبلری عهده سنده تقرر ایتمش اولغله تاریخ
اعلانن اعتباراً اوتوز برکون صکره یوزده بش
ضمیمه طالب اولانلرك بك اوغلی بدایت محکمه سی
اجرا دائره سنه و اوتوز برنجی کونی دخی
قرار داده سی چکیلك اوزره املاك مذکور
پیشکاهنده حاضر بولنلری اعلان اولنور .
۳ اغستوس سنه ۳۱۵

خدیجه خانمك چادرچی خانى اوطه باشیدی
داوید ذمتنده الهجنى اولان مبالغ معلومه نك
تأمین استیفاسیچون مدیون مرقومك عهده تصرفنده
اولوب تحت حجزه النان مرجان اغا محله سنده
تعجیلر جاده سنده یتش بش نومرولی بصدیرمه جی

مادام صوفیه زلیغناك علی انور اقدی
ذمتنده الهجنى اولان مبالغه مقابل مرهون

خانى اوطه باشیغلك درت حصه اعتباریله ایکی
حصه سلك تاریخ اعلانن اعتباراً اون بش کون
صکره بالمزایده فروخته تشبث اوله جنى درسعادت
اعلامات نظامیه اجرا دائره سندن اعلان اولنور .
۱۲ اغستوس سنه ۳۱۵

طاهر افندیك حسن تحسین افندی ذمتنده
محکوم به الهجنى اولان معلوم المقدار مبالغك
تأمین استیفاسی ضمنده مدیون مومی الهك
بویاجی کوینده واقع احمد جلال پاشا عرصه سنده
مکرر بر نومرو ایله مرقم متصرف اولدیغی
برباب خانه سی تحت حجزه النمش ایدوکنسندن
تاریخ اعلانن اعتباراً اون بش کون صکره
بالمزایده فروخته تشبث اوله جنى بك اوغلی
بدایت محکمه سی اجرا مأموریتی جانبندن اعلان
اولنور .

۱۴ اغستوس سنه ۳۱۵

متوفی یوغا بریان مارغوص اغانك ورثه سندن
کریمه سی مانیک و مخدومی قیریل افندیلرك متوفی
یوغا بریان نظرت اغا ورثه سی میقائیل اغا ایله
اندون و پوزانت افندیلر ذمتلرنده با اعلام
الهجقلری بولنان مبالغت تأمین استیفاسی ضمنده
تحت حجزه النان درسعادتده قنارده بلاط
جاده سنده صوباشی عبدی اغا محله سنده بر طرفی
میخی اوغلی نیقوله عرصه سی و بر طرفی قلعه
دیواری و بر طرفی فوتیقه قادین عرصه سی
و طرف رابی طریق عام ایله محدود تخمیناً
مدیون مرقومونك ربع حصه لرینه تقریق
اولنمش التمش اوچ آرشون و قرق طقوز
نومرولی بر باب آخور عرصه سی و چنكل
قریه سنده بکار دره سنده قیوچچینك باغی دیمکله
معروف باغك ایکی طرفی قانتقو قادین باغی
وبعضاً انکایز علی بکک مرعه سی و بر طرفی بعضاً
قوچو اوغلی و نعلبند حاجی احمد اقدی ورثه سی
باغی و طرف رابی طریق عام ایله محدود باغ
دروننده ایکی قات التی اوطه و بر صوفه و بر حولی
و ایکی ابدستخانه و بر مطبخ و تحتده بر آخور و یارم
کارگیر کوشك ایله ینه درون باغده اوچ یوز

آرشون محله ایکی قات کارگیر اوله رق ایکی
 اوطه وبرصوفه وبرابدستخانه ونختنده التی حیوان
 استعاب ایدر آخور محلی ودرون باغده صولری
 لذیذ غایت جسیم درت عدد بوستان قیوسی
 واشجار مثمره وغیر مثمره بی حاوی تخمیناً یتمش
 ایکی دونم اون اوچ نومرولی باغ محلی ایله
 اوکا مربوط بر طرفی مرحوم مصطفی افندی
 ورثه سی باغی وبر طرفی حسیب پاشا دره سی
 ودیگر طرفی قواص باشی احمد بکک باغی
 وطرف رابی طریق عام ایله محدود تخمیناً اوچ دونم
 متصرف اولدقلری دودلق محلی تاریخ اعلاندن
 اعتباراً اون بش کون صکره بالمزایده فروخته
 مبادرت اولنه جفی اسکدار اجرا دأره سندن
 اعلان اولنور .

۱۴ اغستوس سنه ۳۱۵

بوسنه لی امین اغانک با اعلام نظامی
 قوندره جی حسن اغا ذمتنده محکوم به اله جفی
 اولان مبالغک تأمین استیفا سیچون مدیون
 مرقومک عهده سنده اولوب حجزی دیگر اعلام
 ایله تصدیق اولسان فاتحمده زنجیرلی قیو قربنده
 عتیق علی پاشا محله سنده واقع تخمیناً الی بش
 آرشون عرصه اوزرینه مبنی درت اوطه
 وسائرینی ودرونده بر عدد بربر کدکنی حاوی
 طقسان طقوز نومرولی بر باب نا تمام کارگیر خانه
 تمامک اون بش کون صکره بالمزایده فروخته
 تثبث اولنه جفی در سعادت اعلامات نظامیه اجرا
 دأره سندن اعلان اولنور .

۱۶ اغستوس سنه ۳۱۵